

Enformaziuns y Comunicaziuns

Carsëma: Con le dedemesaledema co vën, en Capiun, mêt man la Carsëma. I enviun dër bel düc canc da gnî te dlîja a medité les Staziuns, co sarâ dagnora le dedôlönesc, la jöbia y le vëndres ales 18:00.

Oraziun: En vëndres ai 19 de forâ ales 20:00 él tla capela da Oies na oraziun de Taizé. Düc canc - jogn y manco jogn - é bel enviés.

Pelegrinaje: Al vën organisé dui pelegrinaji a Medjugorje. Önn dai 6 ai 11 d'aorî (6 dis), l'ater dai 18 ai 22 de má (5 dis). Le pröm costa 310,00€ (110,00€ da paié ete all'iscriziun). Le secundo costa 280,00€ (80,00€ all'iscriziun). Enformaziuns y prenotaziuns pa Konrad y Cristina Sottara d'La Val al nr. 0471/843077 o 335/1732706.


Uniun dles Ères: La Uniun dles Ères deboriada con le Consèi de Formaziun mêt da jî en curs de laurs de convont (Klosterarbeit). Al gnará fat üs y de pices decoraziuns por Pasca. Le curs é les sabedes ai 20 y 27 de forâ te calogna d'Al Plan. Prenotaziuns pa Annamaria de Lex al 334/6102551.

Sorvisc ai Jogn: Le SaJ chir jogn y jones co á ligrèza da laoré con mituns y mitans, desco animadus pal proiet "Isté Deboriada 2016" (an mëss avèi arjunt la majera eté!). Enformaziuns al 0474/523070 (lön-jöb, 8.00-12.00 y 13.00-17.00) o info@jogn.org. Termo por dé jö les domandes é i 29 de forâ 2016.

Comunicaziun: L'Assoziaziun Turistica lascia alessèi che en gaujiun dla defilada da carlascé, ai 9 de forâ, gnará dales 14:30 ales 17h slüt al trafich la strada Catarina Lanz, dal Hotel Sole cina sö dla Raiffeisen, y da plaza cina punt da Valiares. An pó passé por le lü da Cianëi. Le toch Sporcenter Mareo - Hotel Sole é slüt danter les 14:15 y les 15h.

Biblioteca/1: La biblioteca "Angelo Trebo" y le Zënter Families Mareo organisèia na sèra da s'la cunté por ingleje. Ince sce an sá püch le lingaz, ésun empó bel enviés. An s'encunta en jöbia ai 11 de forâ ales 20:00, te biblioteca d'Al Plan.

Biblioteches: Al vën chirí voluntars por les biblioteches, por de vigne sort de laurs: empresté fora libri, dé enformaziuns, jüc y pastelné con mituns, mantigné l'ordinn dla biblioteca. Da s'anunzié él te biblioteca a La Ila al 0471/844697 o laila@biblioteches.it.



Gejù à dit: „Chi co crëi te mè, vir ince sce ai mör!“
La comunité tol comié da **Silvio Taibon**
morta al'eté de 78 agn. Ai familiars i vâl les condolianzes
plü sontides. Che Silvio pói palsé tla pèsc de Dio!

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.comun.mareo.bz.it o ince www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



Ann C

07.02.2016 - 5. Domègna dal ann - Dé dla Vita

nr. 11

Da sën ennant piaraste jont!



Dal Vagnele do San Luca 5, 1 - 11

⁴Canch'al â roé söa pordica, ti ál dit a Sciomun: Vá fora alaleria! Danló sciürede ostes rèis por la pèscia! ⁵Sciomun ti á respognü: Maester, i án laoré döta net y i n'án pié nia. Mo sön töa parora sciürarái fora les rèis. ⁶Cösc ái fat, y ai á pié en te' gröm de pèsc, che söes rèis manaciâ da se scarzé. ⁷Porchël ti ái fat sègno ai compagns t'l'atra barca, ch'ai gness y i daidass. Ai é gnüs, y deboriada ái emplí entrames les barches cina al ur, ch'ares manaciâ da jí sot. ⁸Canche Sciomun Pire á odü cösc, s'ál peté jö dan i pîsc de Gejù y á dit: Signur, vá demez da me; i sun en piciajú. ⁹Deache èl y düc sü compagns ea restés imprescionés y spordüs da odèi tan de pèsc ch'ai â pié; ¹⁰avisa insciö ti éra ince jüda a laco y a Jan, ai fis de Zebedeus, co laorâ deboriada con Sciomun. Spo ti á Gejù dit a Sciomun: No te temèi! Da sën ennant piaraste jont. **Parora dal Signur. - Lalt a te, Gejù Crist!**

Signor Heinrich,

i Se fajun les mius aodanzes
por i 75 agn che i complîs
en jöbia ai 11 de forâ. Iolan por
döt ci ch'i èis fat, fajèis y fajarèis
por nosta comunité y i Ves aodun
ennant la benedisciun de Dio.

Döta la comunité é enviada a na
mëssa de ringraziament por le
ploan, en jöbia ai 11 de forâ ales
19:30 te dlîja d'La Pli



CAPIUN: Al mêt man la Carsëma

*La crusc de cënder:
Al é le simbol co nes
dij che döt cant passa,
al é le simbol de nosta
speranza.*

I oressun ti aodé a düc canc en bun tomp
de Carsëma: che al sii en tomp olache an
ti dá ince al'anima en pü' plü post y tomp.
Capiun é de de jain y astinënza dala cern,
i vëndres de Carsëma nes envièia da re-
nunzié ala cern. La Carsëma enstëssa
nes mêt da ponsé do sön les cosses che
i án y che i adorun, aladô dla domanda: '
Ánse ci che i adorun? Mo ince: Adorunse
döt ci ch'i án?

Domègna: 07.02.2016.: V. Domègna dal Ann: Domègna de carlascè

Oferta por i bojügn dla Ploania

8.30: S.M. a La Pli

9.30: Corona por +nt Silvio Taibon, Lè dla Crèda

10.00: S.M. pro popolo: festa dla vita: Bened.dai mituns

2. Requiem por +nt Silvio Taibon, Lè dla Crèda

18.00: S.M. por vîs y +nc' dla Fam.Fighile y Cecilia Rungger

S.M. por +nc' Tone y Rita Kaneider d'Andram

S.M. por +nt Roberto

S.M. por +nc' de Linda Rubatscher, Longega

Lön. 08.02: **Feria dla 5. edema dal ann: S.larone Emiliani**

7.20: S.M. por +nta Rungger Maria Teresa, dal Hintner

S.M. ad int. y onù de S.Antone abat

S.M. por +nt Demetz Erwin, Valiares

Dédol. 09.02: **Feria dla 5. edema dal ann: Sa.Apolonia, S.Julian, S.Miguel**

7.30: S.M. a La Pli

19.30: Corona al Cör imacolé de Santa Maria

Dédem.10.02 **CAPUIN: imposiziun dal cènder/benedisciun**

N.B.: **al mèt man la Carsema: tomp de penittonza**

18.00: **Benedisciun dal cènder-Imposiziun dal cènder**

S.M. por +nc' de Werth Paula

S.M. por +nt Giuseppe D'Amico

S.M. por +nt Pire Rindler de Costata

S.M. en onù y rengr. de Santa Maria por la vita

Jöbia 11.02: **Compariziun de Santa Maria da Lourdes**

19.30: S.M. a La Pli

18.00: S.M. en onù de Santa Maria de rengr.dla vita y por i amarès

Vèndr.12.02.: **1. vèndres de Carsëma: S.Anselm, S.Theodor**

7.10: **S.M. por i scolari**

S.M. por +nc' Tone Ties, Palfrader Paul y Maria, Jung

S.M. por +nc' jormagn Piazza y Gabl, Österreich

S.M. en onù de S.Ojöp Laurante por na bona mort

18.00: **Les Staziuns – Via Crucis**

Sab.13.02.: **Sa.Maria in sabato/Carsëma: Sa.Gisela, S.Jordan**

17.00: **Poscibilitè da se pissiè**

18.00: **3. Requiem por +nt Silvio Taibon, Lè dla Crèda**

S.M. de rengr. por Fam. Mutschlechner - Tscholl

S.M. por +nc' Lanz Germana y Fefa y Obojes Rico y Purgele

S.M. por +nta Patuzzi Angela

19.30: S.M. a La Pli

Domègna 14.02: **I. Domègna de Carsëma: S.Cirillo y Metodio**

Oferta por i bojügn dla ploania

8.30: S.M. a La Pli

9.30: **Funziun: Tomp de Carsëma**

10.00: **S.M. pro popolo por dōta la Ploania**

Benedisciun a Ciccolini Bruno y Lucia por 50 agn de matrimonio

18.00: S.M. por +nta Angela Ties da Plazores

S.M. por +nt Angelo Ties de Col

S.M. por +nt Paul Ploner, Pederoa

DÉ DLA VITA

Te töa man

Tö n'as nia scrit nosc destin tles stères, mo te l'as scrit te töa man:
i ennom de dōtes les porsones forestes, slütes, eternes é scrites te töes mans.

Tö s'as cherié con en cör, na orenté, en ciorvel.

Tö nes cherdes cuntra vigne fatalité con nosc ennom por éster porsones co mör sön cōsta tera.

Tö s'as fat ensciö debli por éster to unich cheder:

nos foresc ön por l'ater, orfans y vedoi, compagns y nemisc.

Armér nosc cör por la iustizia y l'amur;

daür nosc ciorvel, ch'al chires la pêsc por chëra ch'i sun cherdés da empröma ensö.

Emplëscesse dla speranza, che sun nasciüs por fá pêsc y cherié iustizia sön cösc monn.

(Huub Oosterhuis)



Ofertes empede ciöf sön fossa dal +nt Ernesto Trebo

Por la Caritas: Fam. Pescollderung Giovanni y Annamaria

Por la Dlijja: Fam. Trebo Heinrich, Fam. Angelo D'Andram, Cor de dljija Al Plan, Kaneider Klaus

Barbara, Purgele y Traudi d'Les Alpes

Der bel iolan y Dio s'al paii!

Sorvisc dai Ministrón

Lönesc 08/02 (7:20h), Vèndres 12/02 (07:10h): Lisa y Max Maneschg;

Dédemesaledema 10/02 (18:00h): Lisa y Max Maneschg, Caspar y Moriz Videsott;

Vèndres 12/02 (18:00h): Caroline Piazza, Sofia Alberti, Jan Ties;

Sabeda 13/02 (18:00h): Alessia, Claudia, Mike y Susan Kaneider, Giada Regis, Fappani Lara;

Domègna 14/02 (10:00h): Alice Daverda, Sara Doria, Lisa Comploi, Jasmin y Martina Ties, Mara Rungger;

Domègna 14/02 (18:00h): Mark y Susanna Kastlunger, Thomas y Stefan Palfrader, Serena Alessandri, Nathan Migliorati;

